



重濬吳淞江全案卷三

運河營守備盧永盛上海縣知縣李廷錫謹稟竊照  
工尾曹家渡攔潮大壩關係通工最爲緊要前經卑  
職廷錫因不諳壩工必需調河員來工堵築稟蒙總  
局念非地方有司所能辦理稟請咨調南河營員帶  
同弁兵來工專司堵築卑職永盛在運河工次奉

淮

揚海

二道憲轉飭調赴吳淞估工築壩誤會語意以

方事估工堵築尙早是以揀選効日多係諳習估算  
之人及到蘇省方知工已估定來此專辦築壩合同  
調之南河候補把總朱雯所帶僅止効用十五名目



兵二十六名不敷跼壩而工限緊迫各分工員節次齊集卽就近續調江防目兵往返亦須半月斷不能停工待壩卑職永盛是以於本月十九日到滬卽日由新聞看潮水長落形勢至曹家渡相度壩基興工檢視卑職廷錫所備正雜各料惟無蘆纜驗其柴質堅紉卽派効目督教繩匠星夜締打二十日卽督夫在北岸刨槽盤頭查該處老岸俱係海沙積淤並無老土又潮汐倏漲倏落高下動至七八尺往來激嚙埽根情同拉鋸比之黃運情形尤爲難辦不得不比照黃河口岸工程壩底做寬四丈八尺收頂四丈又

復多下傢伙以昭慎重卑職永盛督同朱把總暨効目等連龍門埽分爲六占晝夜鑲做至二十五日始將北岸三占做成以高出大汛潮痕八尺爲度是日晚間將捆鑲船移至南岸二十七日做成兩占正期趕於二十八日掛纜合龍奈兩岸鑲占金門旣已收窄測量中泓水勢刷深至一丈三四尺又值二十八日初起大汛之期連日東北風大潮勢洶湧抵壩被遏頃刻擡高八尺五寸河底土性沙鬆兩壩陡蟄幾平水面趕緊跟鑲實難剋期合龍查嘉慶二十三年萬安渡攔潮大壩係在曹家渡上游四百餘丈潮勢

較弱又係十一月中旬水枯之時奉調弁兵百餘人之多自十一月初十日興工二十二日合龍已經十三日之久茲於曹家渡築壩今昔情形難易迥殊此後潮汛日旺須至十月初三日以後方能漸就衰減卑職永盛未敢欲速致有貽誤惟有督率朱把總及各効日晝夜趕辦相機合龍以期無誤車戽興挑所有河槽刷深壩身被蟄未能依期合龍緣由合肅稟聞伏乞

鈞鑒

道光七年九月三十日具稟

江蘇布政使司梁為遵批嚴飭事奉  
巡撫部院陶批運河營守備盧永盛上海縣知縣李廷錫會稟奉調吳淞江築做壩工現在坐蟄當以該處工程既無老土又有潮汐何以當時既不確切勘估臨時又復草率興工批司嚴飭趕辦在案茲據來稟則諉過於効用兵丁不敷所用查該處壩工調派河員原因該備稍諳工程藉資指揮至於用力既有雇夫又有効用兵丁至二十四名豈有不敷差撥之理如果地勢不宜原估未確該備即應於未興工時早為據實稟明豈有貽誤之後一稟卸責轉以添調



重刊吳淞江全案 卷三  
三  
弁丁爲詞試思各處工員早已集夫守候興挑豈能  
停鋪以俟調遣於數百里之外乎大屬荒謬該縣李  
令扶同具稟尤屬不合仰蘇布政司立即由五百里  
嚴行申飭并令該備等於三日內堵築合龍具報如  
敢玩誤

欽工定行參辦斷不寬貸并行總局及督工委員知照此  
繳稟抄發等因到司奉此並據該備等並稟前來查  
此案前據該備等稟奉

撫憲批司嚴行申飭趕緊堵築等因卽經轉飭遵照  
在案今奉前因合再抄稟札飭札到該府卽遵先今

來札督令該備等速將前項壩工於三日內趕緊堵  
築合龍具文星馳通報如敢玩誤

欽工定行嚴揭參辦不稍寬貸凜速凜速特札

計抄稟

道光七年十月初五日札松府

敬稟者竊守備等昨將吳淞江攔潮壩工蟄矮趕緊  
跟鑲情形具稟

憲鑒守備永盛於本月初九日自浦起程十九日行  
抵吳淞工次當會上海縣李令候補把總朱雯察看  
原估築壩曹家渡地方河面寬二十丈水深八九尺

於二十日盤頭二十一日進占多用麻纜枋木督令  
日兵漏夜僱築鑲做高鞏以防刷蟄期於二十八日  
掛纜合龍緣金門收窄溜勢湧急河底土性沙鬆探  
量壩底水勢刷深一丈五六尺兩壩俱形刷蟄平水  
土壩尾溜勢內勾幸守備等築做柴壩多用枋纜壩  
身蟄矮並無走失之虞刻下急緊跟鑲又於兩壩尾  
鑲做雁翅衛護埽身現連潮水計深三丈餘尺所用  
正雜料物已屬倍而又倍惟守備永盛與候補把總  
朱雯前經奉調所帶効目兵丁共計三十五名緣奉  
文築壩估工兩項應用是以估計書算椿埽者各半

實計工程効用七名力作兵十七名現有染病者二  
名其書算之効目并跟兵椿埽本屬生疏俱令在捆  
鑲船守摘腦看揪梢等用興工之時探量河底淤深  
二尺之下土覺堅硬潮汛亦不見盛故彼時卽以所  
來之人僱辦以冀迅速茲查兩潮來往卽時陡長水  
七八尺盛潮之時陡長水一丈四尺而河底淤深之  
下雖覺堅硬俱係遠年板沙并非淤泥膠土一經壩  
身收窄立卽通身搜刷丈餘刻下水旣刷深兩壩工  
程較大以選用工程効用力作兵丁共計二十四名  
管打枋齊板守傢伙鑲工種種執事實難敷用然壩



寬水深不獨官兵缺少且守備永盛一人亦復勢難兼顧猶恐貽誤耽延時日亟應稟乞添調備弁兵丁來工幫辦程途遙遠恐難濟急是以未敢稟瀆守備等惟有竭盡心力無分晝夜趕緊辦理如得往後潮汛漸弱水勢不再刷深則壩工可期歲事在即以副憲懷急公之至意謹將壩工現在情形合肅稟聞

上海縣知縣李廷錫謹稟竊卑職承辦工尾曹家渡攔潮大壩刷深坐蟄業將潮勢土性會同盧備疊稟憲鑒在案本月初三日

蘇府憲臨工看明情形喫重諭令晝夜趕辦於初七日合龍以便太鎮寶等分煞壩興工比經盧備加緊督率以期依限歲事無如北岸高嶺本係遠年土山中建埽臺兩傍各鑲雁翅西長八丈東長六丈而潮溜來往漩洄內外搜根土山每日坐塌不得不趕緊跟鑲計初做埽臺時埽前水深八尺許及跟鑲至水深三丈四尺埽始蟄定卑職見此情形似難必符初

七之限因於上游千二百餘丈在卑職工內潮勢稍弱之宋家灣地方築做土壩一道層坯層礮仿若二壩用資擎托且使潮水涓滴不及上游使上游各分得以各築界壩屏水興工已於初九日辰刻先合土壩加培高厚以期穩固仍一面趕合大壩除俟大壩合龍穩固再行會同盧備飛稟外合將增築宋家灣土壩合龍上游各工並無潮水灌塘情形肅泐稟聞

道光七年十月初十日具稟

署太倉州鎮洋縣知縣景壽春謹稟竊卑職遵奉派挑吳淞江第九段河道當卽雇備河夫領銀與挑並將遵辦緣由具稟在案惟查該工計長一萬八百八十九丈零卑縣係奉派第九段必俟頭尾大壩合龍方能集夫下塘挑濬茲奉

藩憲札飭以上海大壩走蟄現在改期合龍而卑縣承分工段不過中隔寶山與上海工段較近竊思卑縣以上各工大半淤土居多易於施工卽有來潮勢已衰弱原可趕緊先行煞壩興挑但尾壩未築則通工在在可虞而衆夫陸續到工又未便袖手等候致



滋他慮現在測量卑邑工段水勢三四尺四五尺不  
等較之上海尾壩潮勢稍弱卑職親駐工次目覩情  
形不敢存此疆彼界總期通工受益是以將卑邑應  
築分工小壩改築大壩堅釘椿木鑲砌穩固以禦來  
源則自第九段起至青浦之頭壩止均可免灌漾之  
虞而各邑河夫即可齊集下塘通力合作如此一轉  
移間庶限期不致稽延而要工可期速竣卑職現已  
多備物料星夜督夫趕辦業於初九日堵築合龍擬  
於十一日下塘興挑合將設法辦理緣由肅泐馳稟  
除稟

各憲外

道光七年十月初十日稟

蘇州府總捕同知范博文謹稟十月初七日卑職準  
蘇州府移會奉

藩司札轉奉

憲札內開河營盧備上海李令會稟吳淞江工尾大  
壩坐墊未能依期合龍情由奉批該處大壩關繫通  
工最爲緊要既係海沙積淤並無老土又有潮汐長  
落高下懸殊何以委員履勘並不確估已屬疏謬而  
該員等承辦又復草率以致旋築旋墊有工各屬皆  
因此守候殊屬玩誤仰蘇州布政司嚴行申飭趕緊  
堵築剋期合龍毋再率忽致干未便等因奉此仰見



憲臺慎重大壩關繫通工之至意伏查工尾曹家渡  
攔潮壩基卽道光四年沈道原定基址尙存盤做壩  
頭並未蟄動是以築壩定建於此今估大壩比原估  
丈尺工價格外加增高寬柴壩原估長十八丈今加  
長二丈原寬三丈今加寬一丈共寬四丈高深一丈  
七尺單長原估二兩今增估三兩土餞原長十八丈  
今增長二丈頂寬二丈底寬七丈七尺高深一丈九  
尺較之原估已屬加倍慎重如果照估如式何致滲  
漏坐蟄蓋柴壩所重全靠壩後澆築土餞每進一占  
卽應跑買乾土趕緊跟澆逐占趕澆出水方能閉氣

穩固此後餞之必不可輕忽從事也卑職前次在壩  
卽已諄囑李令總以後餞爲重昨初三日會同蘇州  
府李守到壩查看情形所做柴壩並不跟澆土餞是  
李令並未照估如式辦理現屆小汛之期計初七日  
可以合龍但所澆土餞未審會否如式轉瞬大汛設  
有疏虞通工受害所關更大卑職荷蒙委任不敢稍  
避嫌怨合行稟懇

憲恩嚴飭李令不可再事草率迅卽趕緊澆築後餞  
與原估丈尺相符方可保固卑職當卽赴壩查看所  
做壩工是否如式再行據實馳稟外合先肅稟伏乞

恩鑒飭遵實爲公便

道光七年十月 日具稟

蘇州府總捕同知范博文謹稟竊卑職日昨隨同大壩工次聞盧守備面稟

憲臺須於大壩之前添估土壩一座計估土一萬方以爲大汛抵禦之備似所議頗足動聽第查建築柴壩原爲啟壩之時易於施工不致壩土填塞口門有阻遏河流之患是以尤重後戩澆築堅固足資捍衛而於啟壩時先啟後戩將澆土挑除淨盡然後拆卸柴壩可撈可甯使壩根一無留阻然後放壩則該處無纖毫壅塞之患此建壩之所以尤重後戩也今該備等於大壩之前議築土壩以資保捍而萬方之土



層累疊建將來在水面以上者尙可挑除其平水以下者每日潮汐往來人力已難施工起除斷難淨盡是欲濬吳淞而先貽流弊將來大壩一啟無論壩根壅塞難以施工而所存土壩根底高仰潮汐往來衝刷所挑新河立見淤墊是壩前添建土壩之議以管見所窺甚屬不宜不若仍令幫築後戩加培寬厚以資捍衛施工於後亦無異施工於前而於啟壩無虞積土之害矣况柴壩之前係未挑之工已不能與新河底一律相平尙須設法疏濬何可再行加增以重其害卑職所見及此不敢不據實詳晰縷稟伏乞

恩鑒裁酌施行卑職於十四日午刻回至紀鎮總局一切事宜當隨時具稟不敢稍避嫌怨連日梭織工次上緊催僱王丞亦於十五日到局自當不遺餘力會同趕辦以副

憲恩委任之至意所有新估切灘估冊現在趕造隨後卽行馳呈

道光七年十月十日具稟

運河營守備盧永盛上海縣知縣李廷錫謹稟竊卑職等辦理吳淞江工尾曹家渡攔潮大壩業將潮盛土鬆壩身刷蟄趕緊跟鑲穩固各情形疊稟

憲鑒在案查吳淞潮汐晝夜來往四次迴環抽刷向來築壩原非易易所用正雜料物卑職廷錫預爲多備以昭慎重無如該處河底皆係積年淤沙並無老土且相距大江甚近一經收窄潮頭湧激於前月二十八日正在堵合之際壩身被溜刷蟄全行平水盛潮之時崖高水面二尺探量壩前水深三丈四尺比較興工水勢計深一丈九尺之多查道光四年只水



沈道憲原估工尾大壩埽寬三丈岸高水面八尺水深七尺淤深二尺高深一丈七尺每單長銷銀二兩彼時有拆修新閘之議

沈道憲於江口估攔潮大壩一道又於新閘上下各估腰壩一道估銀四萬一千二百三十兩零工尾大壩不過分明界址用抵塘內無溜存水高深一丈七尺實已足資抵禦此次續估壩工雖增埽寬三丈為四丈增二兩單長為三兩而高深仍舊明為較估加增實乃以工尾一道大壩抵

沈道憲原估四道之用又查吳淞潮汐單載大汛至一丈四尺小汛亦及八尺若止照估鑲做高深一丈七尺即全無蟄動而小汛已經漫頂幸一切正雜料物加倍應用不敢惜費故二十八日刷蟄之時壩身毫無走失即於北壩添做護埽並鑲上下水雁翅衛護掃根復商封閉新閘一二孔以減來源卑職廷錫又於上游千二百丈之宋家灣趁潮落之時搶築高寬土壩一道使潮水不能伸腰擊托大壩且使第十分以上工員早得安夫興工免受壩累初七日申刻封新閘南孔斷流初九日辰刻宋家灣土壩合龍大壩金門潮汐上下漸形平靜初十日

憲臺暨

巡道憲臨工於十一日寅時祭壩合龍仰賴  
鴻芘於是日巳刻追壓得底斷流閉氣戩土緊跟業  
已涓滴不漏現又添估趕澆上戩以資抵禦尙未册  
報緣因工程喫重不得不倍加詳慎除封閘動用正  
雜料物與宋家灣土壩俱由卑職廷錫捐辦不計外  
所有大壩以及續做護埽雁翅實計動用正雜料物  
單長及上下水澆戩土方茲經調來之汛弁朱雯查  
量覈實確計科算可否仿照河工例價銀兩給發出  
自

憲恩除將所做壩工並下水戩工土方數目另行造  
册稟請驗收外合將工尾曹家渡攔潮大壩合龍穩  
固日期飛泐稟

聞以慰

憲厯除稟

各憲外

道光七年十月十五日具稟



護理蘇松太道陳鑾謹稟竊查吳淞江河道現蒙  
憲檄委員分段挑濬所有上海縣境內居家灣等六  
處河道最爲紆曲下停潮水上阻清流前屆嘉慶二  
十三年挑濬吳淞議改未果論者惜之前月卑府晉  
省時據上海李令言及該處六灣如能取直開通於  
河道大有裨益當經卑府面陳清聽仰蒙  
俯允並經署蘇州府李守札知上海李令妥爲查辦  
嗣卑府回至上海途中復據文生諸尙慎諸迪堂朱  
莊朱書監生諸廷鈞朱劬武生朱超耆生陸鏞以六  
灣紆曲宣洩不能暢順必須取直開通以免淤積等

情聯名具稟卑府正在批飭上海縣查勘間適於十月初三日署蘇州府李守奉委前來查勘卑府卽會同李守暨蘇總捕同知范丞并上海縣李令署鎮洋縣景令寶山縣陳令詳細履勘又傳詢該處耆老并有年逾八十之老人問其向日河道情形據稱乾隆二十八年挑濬吳淞之時伊尙目擊該處河道本係徑直後因沙泥墊積愈久愈灣逐漸淤塞咸以開通爲全河緊要關鍵卑府復與李守等察看上下河形悉心會議均稱開通取直於公事有益惟其中有墳墓數坵必須優給遷費以順輿情卑府卽面囑上海

李令妥爲辦理去後茲據李令稟稱差傳地保徧詢各墳主情願領費卽日遷葬共計墳四坵棺十八具厝棺十一具又無主古墓六坵棺十二具投具切結讓出河身輿情允協等情卑府查該處六灣水勢極爲紆曲歷年潮停沙積不能宣洩以致淤阻爲患今旣履勘明確衆議僉同應行開直上引清湍下承潮汐使全河吞吐呼吸靈通暢達實爲有益自應詳慎辦理以期經久利賴刻下所僱淮夫將次到工爲期甚迫未便觀望游移除批飭上海縣李令會同范丞速將六灣取直河道應挑寬深丈尺若干口底若干



估計土方若干刻日通詳外仰祈

迅賜札飭原勘之范丞與上海縣李令趕緊估辦依  
限興工以免遲誤所有勘明六灣取直河道現在辦  
理情形合肅具稟

道光七年十月 日具稟

江蘇布政使司梁章鉅爲勘明吳淞江陳家渡坐灣  
等處應行疏濬以期暢順事本月初九日奉

憲臺批發護理蘇松太道陳守具稟上海縣境內居  
家灣等六處河道最爲紆曲下停潮水上阻清流應  
行挑濬等情蒙批仰蘇州布政司卽親詣勘辦毋遲  
此繳等因奉此本司遵卽稟辭啟行於初十日抵上  
海縣曹家渡攔潮大壩工次督辦合龍之後卽周歷  
上下工段逐一查看西自陳家渡東至萬安渡一帶  
河道極爲盤曲沙泥墊積較之各處更甚原稟所指  
六灣卽係此地因弔查上海縣生監耆民諸尙慎等

在護道衙門聯名公稟據稱居家灣等處河形紆曲  
宣洩不能暢順籲求取順開通以免淤積等情本司  
復督同護道陳守署松江府王牧蘇總捕同知范丞  
上海縣李令連日往來詳細履勘又傳詢該處耆老  
據稱乾隆二十八年挑濬吳淞江之後該處河道本  
係寬深嗣因潮停沙積逐漸坐灣淤墊咸以取順疏  
通爲全河緊要關鍵本司察看陳家渡以東河勢灣  
曲本多惟上海縣承辦工段之張家灣寶山縣承辦  
工段內之居家灣兩處灣曲最大東西對口可立而  
望而繞河行走竟有數里之遙若取順切挑形勢極

爲順利其中有墳墓數坵已經上海縣李令傳詢各  
墳主情願領費遷葬其無主坵墳數處飭交地保移  
歸善堂義塚河邊田地卽由該縣於舊河漲灘之處  
就近撥抵兩灣土性與全河相等並無礙於切挑興  
情甚爲允協此二灣業經履勘明確自應急行挑濬  
以期上引清流下通潮汐使全河吞吐呼吸暢達靈  
通則其餘小有灣曲各處儘可仍舊毋庸再議並飭  
據署松江府王牧勘議稟覆情形無異查刻下各縣  
所雇淮夫均係陸續到工未便延緩已飭原勘總捕  
同知范丞確加覆估詳辦一面飭令上海寶山二縣



趕緊督夫動工興挑所有本司勘明吳淞江坐灣較甚兩處應行取順疏濬緣由理合具詳伏乞

憲臺鑒覈批示爲此備由呈乞

照詳施行

道光七年十月十六日具詳

江蘇布政使司梁諭辦理吳淞印委各員知悉照得吳淞水道爲三江正幹通則各郡同其利塞則各郡同其害民生國計關係匪輕現經

奏準動款興挑集夫舉辦此實修復東南水利之一大端從來大工興舉必須上下合力同心先除弊而後能興利無如辦工之員向多苟且從事甚至貪得營私祇顧目前罔知利害殊不思一處之偷減有限而全局於以不完一人之沾潤甚微而通工爲之受病見小利而忘大害言之可爲寒心道光三年霪雨爲災田廬淹沒皆緣水道阻塞至今民困未蘇蠲緩頻

聞

國賦亦因之支絀查吳淞江自乾隆二十八年開濬後直至嘉慶二十三年重濬一次道光四年議挑旋以籌款不敷而止是此舉本大不易本司自蒞任伊始卽一再履勘夙夜籌維始得借款具詳

大府據以奏請復蒙

聖恩於經費短絀之際不惜數十萬帑金準與興辦不煩民力不藉官捐當何如仰體

皇仁以期無負斯舉所有在事各員天良具在詎有私圖惟經理稍欠認真則工程卽難覈實稽查偶然疏懈

則費用不免虛糜以其難其慎之工非一朝一夕之事若復虛應故事草率報完或竟罔卹身名希圖染指在各牧令身任地方直是有靦面目卽各委員重膺付託豈復尙具人心現當集事之初本司亦不忍以不肖之心預爲逆億惟是遠近不過數十里之地大小不過數十員之多若者爲勤若者爲惰若者爲公若者爲私初不必察察爲明已斷難掩人耳目迨至通工竣事段落區分彼此相形情狀畢著雖欲不執法從事其可得哉今欲免事後之創懲何如動事前之警省夫事無論難易但得一分實心必多一分



實效如果在工人員無一非殫勤秉公則驗收之餘  
斷無不一律寬深之理從此潮汐吐納源委貫輸樂  
利同沾旱澇有備在本司有獎善酬勞之責必應為  
詳陳

大府力請加恩而各該員分此委任竟能捫心無愧  
受賞無慙利在生民功在人口其為愉快當更不在  
沾沾名利之間反是而觀豈堪設想各該員其尚深  
思熟慮力湔積習毋以此為條教號令之虛文本司  
有厚望焉

道光丁亥年孟冬朔旦書於蘇州藩署

江蘇布政使司梁章鉅為詳明飭遵事竊照上青嘉  
三縣境轄吳淞江河道業經籌備銀款詳蒙  
憲臺會摺

奏請興挑旋據蘇州府等具稟以吳淞一帶工段綿長  
集夫不易擬將挑工分為十二分於上青嘉三縣之  
外添派元和吳江震澤崑山新陽太倉鎮洋寶山等  
州縣分段協挑上海派挑二分其餘州縣各挑一分  
等情復經本司詳明通飭遵照在案查歷屆興濬水  
利均係舉董經辦誠以借  
帑開挑攤徵還款仍屬民捐民辦今屆大工興舉經費



浩繁自道光三年被災以來民間元氣未復是以  
奏請動款修治絲毫不以累民所有應用人夫均由各  
該州縣自行雇募按方授值既毋庸取給民財計土  
雇夫更無事藉資佃力如有草率偷減當惟承辦之  
員是問現經李御史條奏欽奉

諭旨將正河籌款修治其支渠汊港照業食佃力之例勸  
諭紳耆董辦等因今吳淞係屬正河卽不應舉董辦  
理卷查道光六年嘉邑紳士錢東塾等呈稱松劉大  
工由官募夫給價開挑例不動編前濬劉河縣書巧  
借雇編名色朦請動夫而私向花戶包攬勒索每夫

重出工費大爲民累及充河董河干使費多向誅求  
業戶有因此傾家者故一遇大工無不鑽營兔脫而  
縣書恣意需索幾無漏網稍不遂意卽開單朦請僉  
點等語則是舉董之流弊不可勝言一邑如此他邑  
亦必類然工未舉而怨已騰利未興而害先及盡心  
民事者何忍出此茲際鳩工之始亟宜先行禁革由  
該地方官出示曉諭以杜弊端並據蘇州府會同松  
江府太倉州稟請預行查禁前來應請通飭承挑各  
州縣率同在工委員嚴加查察如有不肖書差藉圖  
漁利仍以舉董爲名私向地方紳士借公索貼滋擾



閭閻卽行從重究懲儻各該州縣等敢於徇縱亦卽嚴行參辦至編夫之設向爲按年疏濬小河之用凡遇興濬吳淞劉河永不許動編僉董業經通詳勒碑遵守在案該縣如敢故違亦卽揭參除通飭遵照外相應詳明伏候

憲臺鑒覈

江蘇布政使司梁爲飛札嚴催事據河工總局范王二丞稟稱竊照挑濬吳淞江河道前議章程每段須夫四千八百餘名或用江北土夫或用本地民夫原聽各州縣自行雇募總以足數到工爲要誠恐拘定雇處有所推諉延誤久經詳定通飭雇集人夫上緊興挑定限十一月初十日完竣在案所有上海工尾大壩亦經卑職隨同憲臺嚴督搶築業已合龍各州縣挑河人夫早應齊集在工方能依期歲事惟是卑職等連日查看各段挑夫均屬寥寥承雇人等斷不應遲至刻下尙未雇齊卽使委員迎催亦屬緩不濟

急卑職等伏查各州縣所雇淮夫既經延玩於前若再觀望延挨並不早為設法限期緊迫勢必坐誤要工除移行各州縣將已到淮夫名數據實開報并飭令趕緊設法添雇本地民夫務須足數以期及早挑竣卑職等仍不時在工督催儻有延誤即當據實稟辦外伏乞即賜飛札嚴飭該牧令等上緊設法添雇民夫趕挑以免延誤實為公便等情到司據此查雇夫為挑河第一要務當估工之時即經本司通飭預期招雇在案現在大壩合龍業已數日正應集夫開挑辦理喫緊之際乃各段挑夫尙屬寥寥成何事體

玩誤已極據稟前情除俟查明何處缺夫最多再行覈辦外合亟飛札嚴催札到該府等立飭遵照查明所雇淮夫現在已到若干尙缺若干先行據實開報以憑覈辦一面即就本地添雇民夫務期按方計夫如數雇足依限興挑不得短少遷就以致偷減草率貽誤

欽工儻再玩違定將各州縣從嚴參辦決不寬貸該府並干嚴咎切速切速特札

道光七年十月十九日札松江府太倉州并元和吳

江震澤崑山新陽上海青浦嘉定鎮洋寶山十



縣

江蘇布政使司梁爲飛札嚴催事照得本年挑濬吳淞江河道工程已據各州縣具領方價飭令趕辦在案現在大壩業已堵築合龍僅據元和吳江震澤青浦嘉定等縣申報下塘開挑其餘各處均未具報開工殊屬延玩查前項工程先經立定期限必須一律挑濬不容參差落後現已十月中旬瞬屆辦漕駁運設遇雨雪停待辦理愆期則誤工誤漕厥咎匪細合亟飛札嚴催札到該府等立即嚴飭遵照迅將承挑吳淞工段嚴督各夫趕緊車涸底水卽日下塘開挑如有人夫未齊亦速及早添雇務須乘時趕辦依限

完竣先將開工日期星馳稟報再敢遷延觀望以及  
雇夫不足貽誤挑工本司惟有嚴揭參辦決不寬貸  
毋貽後悔凜切慎切此札

道光七年十月十八日札蘇州府松江府等

江蘇布政使司梁爲札飭事準

護理蘇松太道陳呈稱挑濬吳淞江工程雇用江北  
土夫素性强橫聞其受雇南來途中成羣結隊或逢  
市鎮強賒食物或於田野擅取菜蔬甚至糾約強竊  
種種不法現在到工之後又有爭鬪釀命之案防範  
不可不嚴查各工處所先蒙

提憲派撥武營千把六員兵丁六十名每河二段派  
委千把一員帶兵二名輪流彈壓儻有不法滋事卽  
就近拏交地方官從重究辦等語惟查挑濬河道共  
分十二段沿河計有六十里之遙每二段千把一員



帶兵二名每段挑夫約有五千人以二段計之共有挑夫一萬餘人相去段落有二三里至四五里不等是數里之中僅止兵丁二名隨同千把一員巡查不惟耳目難周抑亦聲勢不振卽如前日震澤工段人夫爭鬪釀命弁兵不及趕到協同查拏實屬鞭長莫及現距工竣之時尙有兼旬且日後遣散衆夫亦應預爲籌畫稟請咨會

提督再行就近酌派明幹武職大員隨帶勇練兵丁馳工梭織巡查並祈飭知總局并承挑各州縣凡有先行完工者卽移會營汛派撥員弁兵役多雇船隻

酌給盤費將江北土夫分起押送出境毋許上岸逗遛至瓜洲渡江爲止并預行札飭沿途各府州縣營汛妥爲照料以免途中聚衆滋事等因到司準此查挑辦吳淞河道所用江北人夫類多強悍必須防範周嚴方免滋生事端照準前因除咨請

提督再行酌派明幹武職數員多帶勇練兵丁馳赴吳淞工所來往梭織巡查勿任挑夫滋事外合就札飭札到該州縣卽便遵照將承挑工程督夫趕緊挑挖剋期完竣務使寬深如式勿稍草率偷減不拘何段工程先完隨卽稟請委驗一面移會營汛派撥員

重刊吳淞江全案 卷三  
弁兵役多雇船隻酌給盤費將江北人夫陸續分起  
押送出境至瓜洲渡江爲止毋許上岸逗遛滋事均  
毋違延火速切速此札

道光七年十一月十四日札承挑河工各州縣

吳淞江河工總局

蘇州總捕分府范蘇州督糧分府王

爲飛移事準

蘇州府移開照得此次挑濬吳淞江河道其出土界  
限前經敝府會同

松江府稟請總因舊岸之闊狹勘量定準然後再就  
所出之土因老岸高低形勢堆貯不得任聽挑夫貪  
圖近便在老岸以內隨地傾倒稟奉

藩憲批飭應以最前之老岸爲準若無舊岸可憑而  
現在河身又復窄狹者其出土至近亦須在三十丈  
之外飭卽親詣勘丈立界等因卽經通飭遵照并經  
敝府親詣工次勘定兩岸出土界址面示各工員定



椿立界無論一岸兩岸出土及離老河岸遠近總以新出之土不致仍舊坍卸河中而河灘之上不得任意傾貯復經移請督催委員查照各在案茲聞各工挑起之土有未遵勘定界址堆貯仍復任意傾倒河灘大屬玩違除移行各工員并總催分催各委員外移煩查明各工段所出河土務令遵照前勘界椿堆貯如有不遵界限仍在河灘傾倒者立飭將夫頭嚴行責懲押令挑除儻敢再事玩違務希據實嚴參等因到局準此查各縣挑工本總局日逐往來查看諄諭出土須在三十丈之外嗣緣各工有搭蓋窩蓬壅

土兼有另圍矮牆之處雖爲避風禦寒起見然亦未始非貪圖近便隨即傳知各工員預督夫頭等於工竣前押夫挑棄并因元和工段出土甚近漫地傾撒又經嚴飭押夫收拾淨盡續驗嘉定段內有填塞深塘及墊崖諸弊當移嘉邑押令挑啟並即提夫頭等重責枷示河干并將幫辦分催各員嚴行申飭各在案今準前因合再移會爲此合移

貴州縣煩爲查照督飭各夫將所出河土務令遵照前勘界椿堆貯如再不遵界限仍在河灘傾倒以及有墊崖等弊立將夫頭嚴行責懲押令挑除淨盡儻

經本總局臨工查看再敢玩違惟有據實稟揭參辦  
幸勿自誤望速望速須至移者

道光七年十一月初六日移各州縣

江蘇布政使司梁章鉅爲據稟詳明飭委勘辦事竊  
據蘇松二府會稟稱吳淞江兩岸土性鬆浮本爲潮  
沙所積屢經挑濬起土均係散堆岸旁不特潮刷雨  
淋仍復傾瀉河內卽運送在數丈以外者亦因農民  
逐漸翻犁自高拋低由遠及近祇圖爬平佔種餘地  
而積土卽坍卸於河是以興工不過數年卽成復隍  
之勢旋疏旋塞職此之由伏查吳淞原闊一百數十  
丈至乾隆年間猶闊三十餘丈不等今則闊者不過  
十餘丈狹者僅存八九丈竟有僅止二三丈將成平  
陸者現在大加畚鍤若亦將積土散堆岸旁是新工



甫集舊轍仍循實難期久遠之效惟有將挑起之士於新河兩沿堅築隄岸庶免傾卸阻塞永杜侵佔河形但歷屆挑河土本散堆而該民人所種之地多係侵佔官河隨壓隨墾視爲故常今欲堅築隄岸結實夯礮則多一分隄岸卽少一分侵佔惟查該處岸界歷次挑濬從未清丈誠恐愚民未悉原委情形隄岸以外此後竟可據爲已有殊於河道水利有關卑府等再四思維竊謂小民難與圖始而工作不可不實經界不可不清必須清出原舊河形已經報墾若干丈現存隱佔若干丈何人執業若干有無轉相私賣

憑據一一查明按地按戶分造清冊再行酌定築隄頂寬底寬丈尺並將隄岸離河口丈尺若干堤外聽其耕作隄內不準再有佔侵卽於此時先行畫定界址寬其前次隱墾之罪杜其後此阻塞之源某蕩戶現業若干畝卽以該處隄岸責令承種之蕩戶看管如有坍塌隨時修補官爲稽查卽責飭沿河青浦縣之新涇司嘉定縣之諸翟司上海縣之吳淞司三巡檢分段各帶弓兵巡查如能隨時修補隄岸剷除葑蘆禁止罾基魚簍毫無貽誤者準本管府縣保舉陞調如查有廢弛者立予揭參懲辦其蕩戶有不遵者



革除另招此挑濬築隄後之善後事宜也儻有需用經費容俟另籌應請詳明飭派誠實幹練熟悉該處地方情形之青浦縣新涇司巡檢方景雯嘉定縣之諸翟司巡檢胡廷宜嘉定縣南翔縣丞姚大成南匯縣丞鄭祖經太湖廳東山司巡檢謝元淮長洲縣主簿李述三分赴上海嘉定青浦三縣會同該縣令查照魚鱗冊並兩岸灘地有無報陞案卷將吳淞江沿江老岸以內地畝秉公逐細踏勘量覈對清楚畫定築隄地段丈尺及舊河本來老岸并續漲新灘分晰清丈查明現業蕩戶何人詳悉註冊以便屆期示

諭籤椿動工挑濬立界以垂永久而保河道至委員船價薪水應由工局查照舊例給發無須由縣墊支等情到司據此除飭委太湖廳東山司巡檢謝元淮長洲縣主簿李述三前赴上海青浦縣新涇司巡檢方景雯南匯縣丞鄭祖經前赴青浦嘉定縣南翔縣丞姚大成諸翟司巡檢胡廷宜前赴嘉定勘辦外相應據稟詳明伏候  
憲臺鑒覈爲此備由書冊呈乞

照詳施行

道光七年八月初九日具詳



後漢山平八月降六日具籍

照舊職存

憲... 職... 由書無呈乙

職... 籍... 冊... 封...

永... 六... 如... 籍... 降... 回... 巡... 游... 歸... 我... 宜... 前... 甚... 高... 出... 建... 輔... 不... 出...

式... 景... 景... 南... 關... 湖... 永... 勝... 興... 興... 前... 包... 告... 商... 官... 以... 為... 南... 關... 湖...

外... 關... 湖... 永... 勝... 興... 興... 前... 包... 告... 商... 官... 以... 為... 南... 關... 湖...

... 關... 湖... 永... 勝... 興... 興... 前... 包... 告... 商... 官... 以... 為... 南... 關... 湖...

... 關... 湖... 永... 勝... 興... 興... 前... 包... 告... 商... 官... 以... 為... 南... 關... 湖...

... 關... 湖... 永... 勝... 興... 興... 前... 包... 告... 商... 官... 以... 為... 南... 關... 湖...



